



Inatsisartunut ilaasortaq, Erik Jensen, Siumut
Maani/

§ 37 naapertorlugu apeqqummut nr. 73/2026-mut akissuteqaat

04-05-2026

Suliap normua: 2026 - 8308
All. nr. 26431918

Inatsisartut suleriaasissaanni § 37 imm. 1 naapertorlugu Royal Greenland A/S aammalu Aasianni aalisakkanik suliffissuaq pillugu Naalakkersuisunut apeqquteqarsimavutit. Apeqqut suliassaqaqfigisannit akineqartussanngorlugu innersuunneqarpoq.

Postboks 269
3900 Nuuk

Oq. (+299) 34 50 00

Fax. (+299) 34 63 55

E-mail: apn@nanoq.gl

www.naalakkersuisut.gl

1. Naalakkersuisut isumaqarpat Royal Greenland immikkut sallinneqarluni iluaqutiginnaasaanik siusinnerusukkut pineqartarsimasoq?

1-imut) Royal Greenland A/S ingerlatseqatigiiffittut namminersorlutik oqartussanit najukkani piffissaniluunniit tunisassiornerminik ingerlatsinissamik piussaaffeqarsinnaavoq - pisussaaffik ingerlatseqatigiiffinnut namminersortunut pisussaaffinngortinneqarsinnaanngitsoq. Taamaattumik Royal Greenland aalisakkanik suliffissuarni aalajangersimasuni tulaanneqartartussanik avataasiorluni immikkut qaleralittassinneqartarnikuuvoq.

Immikkulli pisassanit immikkut piunasaqaatitalerlugit tunniunneqarsimasunit sinneruttut pisortat sularinnittussarsiornerisigut pissarsiarineqarsimapput soorlu Tasiilami aalisakkanik suliffissualiornermut atatillugu.

2. Naalakkersuisut isumaqarpat Royal Greenland Aalisarnermut Inatsimmi immikkut sallinneqarluni iluaquserneqarsimasoq?

2-mut) Royal Greenland ingerlatseqatigiiffittut namminersorlutik oqartussanit pigineqartutut Aalisarnermut inatsimmi ingerlatseqatigiiffittut allatulli raajanut tunngatillugu amerlanerpaanik pisassaqaartinneqanngilaq. Suli 33,33%-iuvoq ingerlatseqatigiiffinnullu allanut 20%-iulluni. Taamaattumik ingerlatseqatigiiffiit namminersortut pisassatik 2035 naatinngitsoq pisassatik pisassat amerlanerpaaffissaanut nutaanut naleqqussartussaassavaat. Royal Greenland taamaaliussanngilaq.

3. Taamaassimappat sutigut immikkut iluaquserneqarsimasutut Naalakkersuisut isumaqarpat?

3-mut) Apeqqut 2-mut akissut takuuk.

4. Taamaassimappallu Aalisarnermut Inatsit allanngortinneqarniarpa? Paragraf sorliit allanngorniarneqarpat?

4-mut Naalakkersuisut aalisarnermut inatsimmi allanngortitsinissaminnut massakut pilersaaruteqanngillat. Naalakkersuisooqatigiinnissamik isumaqatigiissut naapertorlugu

Aalisarnermut inatsimmut ilassutissamik 2026-imi ukiakkut ataatsimiinnermi saqqummiisoqartussaavoq aalisarnermut siunnersuisoqatigiinnik arlaannaannulluunniit attuumassuteqanngitsumik pilersitsinissamut piginnaatitsisussamik.

5. Aasianni raajaleriffiup ammannarnissaanut suunukua politikikkut aaqqineqartariaqartut Polar Seafoodip Greenland-ip piumasarigai?

Ad 5) Aasianni suliffissat qulakkeerniarlugit aalisakkanut suliffissuarmut tunisassiassanik amerlanerusunik Polar Seafood Greenland A/S qulakkiikkamik pissarserusuppoq.

6. Naalackersuisut Polar Seafood Greenland-ip piumasaqaatai isumaqatigivaat?

Ad 6) Aalisakkanut suliffissuup ammannarnissaanut tunisassiassanik qulakkeerinninnissaq eqqarsaatigalugu Naalackersuisut Polar Seafoodimik aaqqiissutissarsioqateqarnissamut suleqataarusupput.

7. Aasianni raajaleriffiup ammannarnissaa qulakkeerniarlugu Polar Seafoodip Greenland politikikkut aaqqiisoqarnissaanik piumasaqaataat Naalackersuisut malinniarpaat?

a) Aap b) Naamik

7-mut) Apeqqu 6-mut akissut takuuk.

8. Naalackersuisut isumaqarpat Aasianni raajaleriffiup matusariaqalersinnaaneranut Aalisarnermut Inatsit pissutaasoq?

8-mut) Naamik.

9. Aasianni raajaleriffiup matunnginnissaa qulakkeerniarlugu Naalackersuisut qanoq sutigullu aaqqiisoqarsinnaanera takorloorpaat?

9-mut) Apeqqu 6-mut akissut takuuk.

10. Aasianni raajaleriffiup ammannarnissaa qulakkeerniarlugu, Ilulissani aalisakkeriviup matunissaanik Polar Seafoodip saqqummiussinera Naalackersuisut isumaqatigaat?

Ad 10) Naamik, aalisakkani suliffissuarni marluusuni massakkut siunissamilu suliffissat qulakkeerlugit Naalackersuisut aaqqiiffigerusuppaat.

Inussiarnersumik inuulluaqqusillunga

Peter Borg

Aalisarnermut, Piniarnermut, Nunalerinermut Imminullu Pilersornermut Naalackersuisoq